

影印
文淵閣

四庫全書

影印

文淵閣四庫全書

第三三八冊

北京出版集團公司
北京出版社

本冊目次

御批歷代通鑑輯覽(四)

清 傅 恒等奉敕撰……一

欽定四庫全書

史部

御批歷代通鑑輯覽卷七十二

詳校官侍講 臣王燕緒
編修 臣裴謙覆勘

總校官舉人 臣章維桓
校對官中書 臣江連
膳錄監生 臣申慤

欽定四庫全書

御批歷代通鑑輯覽卷七十二

宋 趙太祖建隆元年 庚申至帝萬祥興二年
西元一千八百二十一年

太祖皇帝

帝姓趙名匡胤涿郡人父弘殷周檢校司徒岳州
防禦使弘殷曾祖

年帝生於洛陽夾馬營 赤光統室異香經宿不散人
謂之香孩兒營 夾馬營在

洛陽縣 既長容貌雄偉器度豁如識者知非常人仕
東北

周從世宗征伐屢立大功 事具 人望歸之及世宗殂
恭帝立陳橋兵變 事具 遂踐周位而有天下 定國運
王色尚赤 臘月戌

欽定四庫全書

御批歷代通鑑輯覽
卷七十二

乙亥 開寶八年 是歲江南亡唯北漢至太宗太平興國四
年乃亡續綱目依朱子綱目唐高祖武德

七年例於宋用大 春二月曹彬大敗江南兵于秦淮 見
書紀年今依之

前 進圖金陵

彬連破江南兵於白鷺洲 在江寧縣 新林港 即新林
浦注見

前 遣田欽祚 潁州汝 攻溧水 隋縣今屬 江南統軍使

陰人 攻溧水 江寧府

江南統軍使

李雄淮人一謂諸子吾必死於國難爾曹勉之父子

八人皆沒於陳欽祚遂克漂水彬大軍進次秦淮江

南兵水陸十萬陳于城下時舟楫未具潘美率兵先

赴遂涉水大軍隨之江南兵大敗馬軍都虞候李漢

瓊洛陽人率所部取巨艦寔以葭葦因風縱火拔其城

南水寨又拔關城守陴者爭遁溺死千計初陳喬張洎為江南

主謀請所在堅壁以老宋師江南主弗憂也日於後

苑引僧及道士誦經講易高談不恤政事軍書告急

非徐元弼等莫得通宋師駐城下累月江南主猶不

知時兵事皆屬神衛統軍都指揮使皇甫繼勳繼勳

素貴驕初無效死意但欲其主速降而口不敢發每

與衆言輒云北軍強勁誰能敵之聞兵敗則喜曰吾

固知其不勝也偏裨有募死士欲夜出邀宋師者繼

勳必拔其背拘囚之一日江南主自出巡城見宋師

列柵旌旗滿野知為左右所蔽始驚懼

收繼勳付獄殺之皇甫繼勳暉之子

三月遼遣使來通好

先是遼涿州刺史耶律琮貽書宋知雄州孫全興請

通好全興以聞帝命答書許之至是遼遣使來結成

復遣人告北漢以通好於宋無妄侵伐北漢主聞命

慟哭謀出兵攻遼宣徽使馬峯固諫乃止

考宋史太祖紀開寶

南唐後主荒於政事艷曲流傳視玉樹後庭相去無幾宋師臨城下猶然不知戒嚴方且誦經

欽定四庫全書

御批歷代通鑑輯覽

卷七十二

夏四月吳越王俶取江南常州

俶既受宋命以沈承禮湖州烏程人權知軍務而自率兵

五萬攻常州丞相沈虎子一作沈倫諫曰江南國之藩蔽

欽定四庫全書

御批歷代通鑑輯覽

卷七十二

今大王自撤其藩蔽將何以衛社稷乎不聽進兵拔

其關城又敗其軍於北界遣兵攻江陰梁縣今屬常州府宜

興注見前皆下之遂拔常州江南主貽俶書曰今日無

我明日宜有君一旦明天子易地酬勲王亦大梁一

布衣耳俶不答以書進帝優詔褒之

彗星見東方

秋七月辛未朔日食

遣使如遼

七年十一月命知雄州孫全興答契丹修好書八年三月契丹遣使格什古星什以書來請和七月遣太常丞呂端使契丹職官分紀所載畧同是通和乃遼之意而遼史景宗紀則書未遣使請和以涿州刺史耶律禪珠刺加侍中與宋議和復不書格什古星什之聘宋蓋諱之也至耶律琮遼作耶律禪珠刺二史所書之名又各不同呂端字易直餘慶之弟按格什古星什舊作克沙骨慎思禪珠刺舊作昌朮今正

冬十月江南主使徐鉉來乞緩師不許

江南都虞候劉澄以潤州降江南主危迫遣學士承

旨徐鉉求緩師鉉至言于帝曰李煜無罪陛下出兵

無名煜以小事大如子事父未有過失奈何見伐帝

曰爾謂父子為兩家可乎鉉不能對而還踰月江南

主復遣鉉乞緩師以全一邦之命鉉見帝論辨不已

帝按劍怒曰不須多言江南亦有何罪但天下一家

卧榻之側豈容他人鼾睡耶鉉皇恐辭歸

欽定四庫全書

御批歷代通鑑輯覽

四

曹彬將王明

字如晦大
名成安人

大破江南兵於皖口

注見前

獲其

都虞候朱令贇

舒城人延
壽之孫

先是江南主遣使召令贇以上江兵入援令贇衆號

十五萬自湖口

南唐縣今屬九江府鄱陽湖由此入江故名

順流而下將

焚采石浮梁彬聞之遣戰艦都部署王明密令人樹

長木于洲渚間若帆檣之狀令贇望見疑有伏追撓

不敢進明因移檣諸將犄角襲之及是令贇乘大航

建大將旗鼓至皖口明合步軍將劉遇

滄州清池人

急攻

之令贇勢促因縱火拒戰會北風甚火反及之衆大

潰遂擒令贇金陵獨恃此援由是孤城愈危蹙矣

十一月曹彬克金陵江南主煜降門下侍郎陳喬死之

彬遣人謂江南主曰事勢如此所惜者一城生聚耳

若能歸命策之上也某日城必破宜早為之所江南

主不聽一日彬忽稱疾不視事諸將皆來問疾彬曰

余之疾非藥石所能愈惟須諸君誠心自誓以克城

之日不妄殺一人則自愈矣諸將許諾共焚香為誓

欽定四庫全書

御批歷代通鑑輯覽

五

明日彬即稱愈又明日城陷初陳喬張洎約同死社

稷然洎實無死志至是喬徑入白江南主曰今日國

亡願加顯戮以謝國人江南主曰此乃歷數卿死無

益也喬曰縱不殺臣臣何面目以見士人乎遂自經

死

勤政殿學士鍾禧朝服坐於家兵及門亦舉族死之鍾禧字德林豫章人

江南主率

臣僚詣軍門請罪彬慰安之待以賓禮請煜入宮治

裝彬以數騎待宮門外左右密謂彬曰煜入或不測

奈何彬笑曰煜素悞無斷既已降必不能自引決煜

五季國鎮割據
城內幾如瓜剖
且分宋太祖有
渾一海宇之志
南唐不能如吳
越納土以保其
宗祀而又庸暗
寡識不早為悔
其敗亡固有以
自取宋祖不容
斯睡之語其語
遠大皮竟有與
漢高並駕齊驅
之概

治裝畢遂與其宰臣湯悅等四十五人赴汴京彬自

出師至凱旋士衆畏服無敢輕肆克城之日兵不血

刃凡州十九軍三縣一百八十捷至羣臣稱賀帝泣

曰宇縣分割民受其禍攻城之際必有橫罹鋒刃者

實可哀也命出米十萬賑卹之

丙子九年十二月太宗皇帝太平興國元年春正月曹彬振旅還詔賜李

煜爵建命侯

彬俘江南主李煜還汴帝御明德門以煜當奉正朔

欽定四庫全書御批歷代通鑑輯覽卷七十二

命勿宣露布止令煜君臣白衣紗帽至樓下待罪詔

並釋之賜冠帶器幣鞍馬有差授煜檢校太傅右千

牛衛上將軍封建命侯子姓從官皆錄用之因赦天

下帝責張洎曰汝教煜不降使至今日因出洎所草台上江援兵蠟九書示之洎謝曰書實臣所為大

咄非其主此其一耳他尚多令得死臣之分也帝奇之以為太子中允

二月以曹彬為樞密使

初彬之伐江南也帝謂曰侯克李煜當以卿為使相

滿美預以為賀彬曰不然夫是行也仗天威遵廟謨

張洎教李煜不降義本近正既乃視顏受職而不辭則其當宋主而責時抗詞以得死為幸者正借以悅倖兒死耳洎援論附中道揣摩十進真是險巧之流

宋祖爾時蓋為其所愚而不覺矣

乃能成事吾何功哉況使相極品乎美曰何謂也彬

曰太原未平耳及還帝謂曰本授卿使相然劉繼元

未下姑少待之美視彬微笑帝詰之美以實對帝亦

大笑乃賜彬錢五十萬彬退曰人生何必使相好官

不過多得錢耳未幾乃拜樞密使

吳越王俶來朝

帝謂吳越使者曰元帥克毘陵今常州府治漢為毘陵縣有大功

埃平江南可暫來與朕一相見以慰延想即當復還

欽定四庫全書御批歷代通鑑輯覽卷七十二

朕三執玉帛以見上帝宣食言乎至是俶與妻孫氏

子惟濬字禹川入廟帝賜禮賢宅以居親幸宴之賞賚

甚厚賜俶劍履上殿書召不名命與晉王叙昆弟之

禮俶固辭乃止留兩月遣還賜以一黃袱封識甚固

戒俶曰途中宜密觀及啟之則皆羣臣乞留俶章疏

也俶益感懼

三月帝如西京夏四月郊大赦

帝以江表底定方內大同欲西幸以行郊禮三月如

西京次鞏縣遂拜安陵宣祖賜河南今年田租之半

奉陵戶復一年至洛陽四月祭天地於南郊都民垂

白者相謂曰我輩少經離亂不圖今日復觀太平天

子儀衛有泣下者祭畢大赦宴賜親王羣臣有差

還宮

帝欲留都洛陽羣臣咸諫弗聽晉王光義言其非便

帝曰遷河南未已終當居長安耳光義問其故帝曰

吾欲西遷據山河之勝以去冗兵循周漢故事以安

欽定四庫全書

天下也光義曰在德不在險力請還汴帝不得已從

之因嘆曰不出百年天下民力殫矣

曹翰屠江州殺江南守將胡則

江南州郡皆降獨江州指揮使胡則殺刺史謝彥賓

集衆固守曹翰圍之四月餘則力屈被執翰殺之因

縱其兵悉取貲財而屠其民

秋八月遣侍衛都指揮使党進率兵伐漢九月敗漢兵

于太原遼救之

帝命党進潘美楊光美并州人後避太牛思進和州

人米文義率兵分五道以攻太原又遣郭進深州博

等分攻忻代汾沁遼石等州所向克捷進敗北漢兵

於太原城北漢主急求救於遼遼主遣其相耶律沙

字安隱其先救之

嘗相要尼氏

帝幸晉王光義第

帝友愛光義數幸其第恩禮甚厚光義嘗有疾帝為

灼艾光義覺痛帝亦取艾自灸每對近臣言光義龍

行虎步他日必為太平天子福德非吾所及也

冬十月帝崩晉王光義即位是為太宗

癸丑夕帝崩於萬歲殿帝孝友節儉質任自然不事

矯飾一日罷朝坐便殿不樂者久之左右請其故曰

爾謂為天子容易耶早作乘快誤決一事故不樂耳

宮中葦簾緣用青布常服之衣澣濯至再永康公主

帝之女嘗衣貼繡鋪翠襦帝曰汝服此衆必相倣禁之

一日勸帝以黃金飾肩輿帝曰我以四海之富官殿

弟有疾而臨問或視其瘵治友愛如是而已灼艾自有專科非他人所能越俎親為熨灼豈遽龍蠲病及覺痛而引以自灸更無補於病者之苦此與唐開元之煮灼燔鬻固一不近情理而宋主則尤有甚焉者矣

節用愛民人君治平要道無過於此至云為天下守財何其見

欽定四庫全書

御批歷代通鑑輯覽

卷七十二

九

是為太宗

無極

之小哉此與俗所謂看財如何以異乎無識者或以為格言然二典三謨中又宜間有此等語句耶

燭影斧聲千載以為疑案其究

無可疑也夫編作於孝宗之世孝宗為太祖後故李燾敢肆其曖昧之辭污蔑太宗而以寔錄不記顧命為証獨不思至道三年太宗亦未嘗有顧命是豈又有他故耶且宋史作於元時元於宋非有所諱若長編果有可信當必採之而全史竟不一及

飾以金銀力亦可辦但念我為天下守財耳豈可安

用尤注意刑辟嘗讀二典嘆曰克舜之罪四凶止從

投竄何近代法網之密耶故定為折杖法以遞減流

徒杖笞之刑自開寶以來犯大辟非情理深害者多

得貸死惟賊吏棄市則未嘗賞及是崩晉王在南府

宦者王繼恩中夜馳詣府邸召王入薛應旂通鑑宋

曰吾母子之命俱託於王王泣曰共保富貴甲寅王

遂即位號宋后曰開寶皇后明年遷之西宮李燾長

欽定四庫全書

御批歷代通鑑輯覽

卷七十二

子帝不豫夜召晉王屬以後事左右皆不得聞但遙

見燭影下晉王時或離席若有所避避之狀既而上

引柱斧戰地大聲謂晉王曰好為之已而帝崩考長

編所載吳僧文瑩湘山野錄山僧野史說本無稽

且燾書作於孝宗之世去開寶時幾二百年傳聞暖

昧宜足為據乃竟采而錄之於是元陳桎通鑑續編

胡一桂史纂通要皆依其說明即濡程敏政深辨其

非商輅等修續綱目削而不書別於國外畧摘數語

則其說之祖安更不待言而可知矣

以弟廷美即光美為開封尹封齊王凡子德昭封武功郡

王德芳太祖第四子為興元尹

尋詔太祖廷美子女並稱皇子皇女以示一體

以盧多遜同平章事楚昭輔為樞密使

內外官俱各進秩有差

十一月進封劉銀衛國公李煜隴西郡公

十二月大赦改元

改是歲為太平興國元年

欽定四庫全書

御批歷代通鑑輯覽

卷七十二

詔羣臣論列者即時引對

初詔諸道轉運使糾察官吏

能否第為三等歲終以聞

罷河東兵

太宗皇帝

丁太平興國二年續綱目發明非元年而書號正其始也春正月賜禮部

進士呂蒙正字聖功河南人等及第

初太祖幸洛陽張齊賢曹州冤句人以布衣獻策條陳十

事一下并汾二富民三封建四教孝弟五舉賢內四

說稱旨齊賢堅執其餘策皆善太祖怒令武士拽出

之及還語帝曰我幸西都惟得一張齊賢我不欲爵

之以官異時可使輔汝為相也至是齊賢亦在選中

有司失於掄擇寔之下第帝不悅故一榜自呂蒙正

以下一百九人又覆試諸科二百人盡賜及第又閱貢籍十舉至十五舉一百八十四人

並賜出身擢刑部九經及第九經七人不中格憐其老特賜同三傳出身凡五百餘人皆賜綠袍鞞笏錫宴開寶寺帝自為詩一章賜之謂侍臣曰朕欲博求俊彥於科場中非望拔十得五止得一二亦可為致

欽定四庫全書御批歷代通鑑輯覽卷七十二

治之具矣刑部字叔明濟陰人

置江南榷茶場

二月帝更名昞

夏四月葬永昌陵在河南府鞏縣西南

史臣曰太祖得國視晉漢周亦宜甚相絕哉及其發號施令名藩大將俯首聽命四方列國次第削平建

隆以來釋藩鎮兵權絕駐吏重法務農興學慎罰薄

缺與世休息迄於至平治定功成制禮作樂傳之子

孫世有典則規模可謂遠矣

冬十月初榷酒酤

十一月丁亥朔日食既

戊辰三年春二月立崇文院

初置三館宋史職官志史館昭文館集賢院為三館于長慶門北謂之西

館帝臨幸惡其陋命有司於昇龍門東北剏立三館

至是成賜名崇文院遷西館書貯焉凡八萬卷

夏四月陳洪進獻漳泉二州縣十四詔授洪進武寧節

度使同平章事留之汴京奉朝請諸子皆授要郡遣

之官

欽定四庫全書御批歷代通鑑輯覽卷七十二

五月吳越王俶以其地來歸詔封俶為淮海國王

俶朝於汴會陳洪進納土而懼上表乞罷所封吳越

國王及解天下兵馬大元帥並書詔不名之命歸其

兵甲求還帝不許其臣崔仁冀字子遷錢塘人曰朝廷意可

知矣大王不速納土禍且至俶遂決策上表獻其境

內十三州一軍八十六縣詔封俶為淮海國王授俶

弟儀信並觀察使俶子惟濬字世和並節度使惟

演字希聖惟灝及族屬僚佐授官有差又授其將校孫

承祐錢塘人沈承禮崔仁冀並為節度使賜賚待遇冠

絕當時尋令兩浙發餉總麻以上親及管內官吏悉至汴京凡千四百艘以范旻貴

參預長子權知兩浙諸州軍事旻上言倣在國日徭賦煩

苛乞盡蠲其弊從之

定難節度使李克勳卒子繼筠嗣

秋七月隴西公李煜卒

初曹彬令煜治裝煜方以亡國為念不及多取留汴

貧不自給帝命增給月俸仍賜錢三百餘萬至是卒

欽定四庫全書御批歷代通鑑輯覽卷七十二

追封吳王帝命煜故臣徐鉉撰神道碑銘並請曰陛下容臣存故主之義乃敢奉詔帝許之鉉

撰碑但推言忠義有盡天命有歸而已其警句云東

隣遘禍南箕扇疑投抒致慈親之惑乞火無里婦之

辭始營因壘之師終後堇山之會又云孔明罕應變之

畧不成近功僱王躬仁義之行終於亡國帝覽之稱

善考薛應旂通鑑煜誕辰帝遣使賜宴宴畢暴卒蓋本龍哀江南野史今不取

以孔宜字不疑孔子襲封文宣公

宜知星子縣南唐鎮宋升為縣今為江西南康府治回獻所為文帝召

問孔子世嗣遂命襲封宜因言歷代以聖人之後不

預庸調周顯德中遣使均田遂抑為編戶召特復其

家

冬十月置內藏庫

帝幸左藏庫語薛居正曰此金帛如山用何能盡先

帝每焦心勞慮以經費為念何其過也詔改為內藏

庫并以封樁庫屬焉

己卯四年春正月以潘美為北路都招討使

帝議伐漢薛居正等多以為不可惟曹彬力贊之帝

意遂決乃以潘美為北路都招討使帥崔彥進李漢

欽定四庫全書御批歷代通鑑輯覽卷七十二

瓊劉遇曹翰米信本溪人田重進幽州人軍分四面攻太

原城又以判邢州郭進為太原石嶺關注見前都部署

以斷燕薊援師遼遣塔瑪遼人長壽來言曰何名而

伐漢也帝曰河東逆命所當問罪若北朝不援和約

如故不然惟有戰耳

初以石熙載字毅緒洛陽人僉書樞密院事僉書之名始此

新渾儀成

司天監生張思訓巴中人本唐李淳風梁令瓚之法創

式以獻製于禁中日月行度成于自然不假人運比
舊制尤為精妙命置文明殿東南鼓樓擢思訓為渾

儀丞

二月帝自將伐漢

帝欲以齊王廷美掌留務開封判官呂端言于廷美
曰上櫛風沐雨以申弔伐王地處親賢當表率扈從
若掌留務非所宜也廷美遂請行帝許之以沈倫為
東京留守王仁瞻為大內都部署

欽定四庫全書

御批歷代通鑑輯覽

卷七十二

三月遼救漢都部署郭進邀擊于白馬嶺在忻州西南大敗

之漢求救于遼遼遣耶律沙為都統冀王迪里字巴爾斯濟斯

太宗子按巴爾斯濟斯舊作巴連堇今改正為監軍帥師赴之至白馬嶺

與郭進遇沙欲阻澗以待後軍迪里不從渡澗迎戰

未成列進薄之迪里敗死會耶律色珍字韓隱按裕悅赫

遼貴官象公師坐而論議色珍舊作斜兵至進引

軫裕悅舊作于越赫舊作昌魯今並改師退沙得免田欽祚護石嶺屯軍恣為姦利進不能禁屢形于言欽祚憾之進武人剛烈戰

功高欽祚數加陵侮進不能堪遂繼而死欽祚以卒
中風眩聞帝悼惜良久贈安國節度使左右皆知而

無敢言者尋詔以牛思進代之

夏四月行營都監折御卿德康子取漢奇嵐軍今太原府奇嵐州宋

四奇嵐軍太平五年置此書取奇嵐軍乃史臣追敘之文

御卿分兵攻奇嵐軍下之遂取嵐州注見前

漢城隆州注見前威勝軍宋置今沁州是使解暉沼州臨等攻破

之

漢人于隆州依險築城以拒帝遣解暉折彥質等先

發兵圍之繼遣尹勲開封浚儀人往城遂陷

欽定四庫全書

御批歷代通鑑輯覽

卷七十二

帝至太原督諸軍圍城五月漢主繼元降詔賜爵彭城

郡公

潘美等屢敗漢兵進築長連城圍太原漢外援不至

餉道又絕城中大懼帝至督戰益急城無完堞帝慮

城陷殺傷者眾詔諭繼元降使者至城守陴者不納

帝親督諸將士進薄城下列陣于前蹲甲交射矢集

城上如蝟毛五月漢指揮使郭萬超踰城出降繼元

親信之臣多亡城中危急帝復詔諭繼元速降當保終

始富貴詔雖入城而諸將銳攻不可遏帝尤慮城陷

害良民度兵少却繼元乃夜遣客省使李勲奉表乞

降詔許之因至城北張樂宴從臣于城臺明日繼元

率官屬縞衣紗帽待罪臺下帝釋之賜襲衣玉帶召

使升臺繼元叩首謝罪詔授特進檢校太師右衛上

將軍封彭城郡公賜賚甚厚命祠部郎中劉保勳

業河人知太原府凡得州十軍一縣四十一帝作平晉

詩命從臣和又授漢相李憚

欽定四庫全書

今依宋史改正以下官有差

徙太原民於并州

詔毀太原舊城改為平晉縣以榆次縣

并州遣使分部徙太原民居之縱火焚太原廬舍老

幼趨城門不及焚死者甚衆

帝發太原六月遂伐遼圍幽州秋七月與遼耶律休格

字遜寧南院額勒金烏蘇之子

于高梁河

仁者之師救民水火今乃縱火害民是誠何心況攻圍未下時尚慮城陷而殺傷者衆因以宣諭招降此起門不及者獨非義所不為富之民乎

續乃還

帝既滅漢欲乘勝取燕薊諸將以師罷餉匱不欲行

崔翰

取之易帝意決遂發太原六月次東易州

金臺頓丁卯次東易州金臺頓今清苑縣金臺

史劉宇以城降留千兵守之涿州判官劉原德亦以

城降進次幽州城南遼將耶律希達

今改正軍于城北帝攻走之命宋渥崔彥進劉遇孟

欽定四庫全書

元詰

行府事遼將多降七月遼順州薊州皆降耶律學古

伊遜伊爾爾裕悅佳之庶孫

不能支域中大懼遼遣耶律休格救燕時帝與遼將

耶律沙大戰于高梁河沙敗將遁休格兵適至與耶

律色珍分左右翼以進復戰帝大敗死者萬餘人帝

引師南還休格追至涿州帝急乘驢車走免喪資械

不可勝計乃命孟元詰屯定州崔彥進屯關南劉廷

軍中謀立德昭
並無形跡可指
或說人構害揣
測猜嫌而為之
亦未可定太宗
遜貴以待汝自
為則德昭雖欲
不死而不能可
知太宗傳子私念
不待趙普贊成而
早定於胸中矣
挾哭追封固無
解於渝盟之過
所謂欲蓋彌彰
耳

翰開封浚儀人

李漢瓊屯真定而還以石守信劉遇從征

失律貶之自是遼好遂絕

定難留後李繼筠卒弟繼捧嗣

八月皇子武功王德昭自殺

初德昭從帝征幽州軍中嘗夜驚不知帝所在有謀

立德昭者帝聞不悅及還以征北不利久不行太原

之賞德昭以為言帝大怒曰待汝自為之賞未晚也

德昭退而自刎帝聞之驚悔往抱其尸哭曰癡兒何

欽定四庫全書

御批歷代通鑑輯覽
卷七十二

至此耶追封魏王

懿曰

九月遼寇鎮州都鈐轄劉廷翰等合擊大破之

遼遣南京留守韓匡嗣

延徽之子

與耶律沙耶律休格侵

鎮州報圍燕之役軍于滿城

本後周永樂縣隋改西滿城今屬保定府

西

方陳官軍詐降匡嗣欲納之休格曰彼氣甚銳疑誘

我也可整衆待之匡嗣不聽俄而劉廷翰陳于前崔

彥進潛師躡其後李漢瓊崔翰趙延進

澶州人

兵繼

至合擊之遼軍大潰退至遂城

注見前

斬獲萬計匡嗣

棄旗鼓遁去獨休格整兵而退

以楊業為代州刺史

業即漢建寧節度使劉繼業帝克太原聞其勇召見

復姓楊氏止名業以其老于邊事拜代州刺史業善

戰號楊無敵

冬十月進封齊王廷美為秦王

論平漢功也文武諸臣進秩有差

庚辰五年春二月定差役法

欽定四庫全書

御批歷代通鑑輯覽
卷七十二

太祖因前代之制以衙前主官物以里正戶長鄉書

手課督賦稅以耆長工手壯丁逐捕盜賊以承符人

力手力散從官給使令

自衙前至手力等皆第戶高下以充所謂職役也續綱目

以人力之人係承符去手力之力為力手殊誤今依宋史食貨志及文獻通考改至是從京

西轉運使程能請定諸州戶為九等上四等充役下

五等免之後有貧富隨時升降

三月魏公劉銀卒

銀有口辨帝之將伐北漢也宴近臣于禁中銀進言

曰朝廷威靈及遠四方僭偽之主今日盡在坐中旦夕平太原劉繼元又至臣率先來朝願得執梃為諸國降王長帝大笑至是卒追封南越王

楊業敗遼兵于鴈門殺其將蕭綽里特

舊作咄李今改正

遼兵十萬寇鴈門業領麾下兵百騎自西陘

闕名在代州西

北即鴈門關西口出至鴈門北口南向擊之遼兵大敗殺其

節度使駙馬侍中蕭綽里特自是遼畏業望見旌旗

即引去主將多嫉之或潛上謗書帝皆不問封其書

欽定四庫全書

御批歷代通鑑輯覽
卷七十二

付業

交州亂秋七月命蘭州團練使孫全興等將兵討之

交州丁部領及其子璉相繼死璉弟璿權行軍府事

年尚幼大將黎桓幽璿別館而代領其衆時知邕州

侯仁寶益之子趙普女弟之夫也盧多遜與普有隙出

仁寶於邕九年不代仁寶恐因循死嶺外乃上言陳

取交州之策帝喜將驛召仁寶多遜遽奏曰交州內

擾此實天亡之秋但先召仁寶其謀必泄蠻寇預為

之備未易取也不如密令仁寶經度其事發兵長驅

勢必萬全帝以為然以仁寶為交州水陸轉運使孫

全興劉澄賈湜等並為部署將兵討之全興等由邕

州澄湜等由廉州進桓聞乃遣使為璿上表求襲位

帝不許

冬十月遼寇瓦橋關十一月帝自將禦之次於大名遼

軍退乃還

遼主賢圖瓦橋關耶律休格帥精騎渡水而戰官軍

欽定四庫全書

御批歷代通鑑輯覽
卷七十二

大敗休格追至莫州十一月帝自將禦之時關南諸

將已破遼兵帝次大名諸將復戰于莫州敗績會遼

主引去帝欲遂取幽州李昫力陳其未可乃詔曹翰

部署諸將而還帝既還京議者皆言宜速取幽薊張齊賢上疏曰聖人舉事動在萬全百

戰百勝不若不戰而勝自古疆場之難非盡由戎狄亦多邊吏擾而致之若緣邊諸將撫御得人但使峻

壘深溝畜力養銳以逸自處則邊鄙寧而河北之民獲休息矣臣又聞家六合者以天下為心豈止爭尺

寸之士角戎狄之勢而已是故聖人先本而後末安內以養外民既安利則戎狄斂衽而至矣

十二月遼以耶律休格為裕悅

休格智畧宏遠料敵如神每戰勝讓功諸將故士卒

樂為之用

已^辛六年春三月皇子興元尹德芳卒

贈中書令岐王諡康惠

罷交州兵

交州行營破賊于白藤江口在今安南國海東府界江之入海處亦曰

海口獲戰艦二百于是知邕州侯仁實率軍先進孫

全興等頓兵不行仁實戰死會炎暑軍士多死轉運

欽定四庫全書

御批歷代通鑑輯覽
卷七十二

五

使許仲宣字希榮青州人以聞詔班師斬劉澄賈湜于軍徵

全興下獄已而棄市考宋史孫全興于是年三月徵下獄十一月棄市續綱目于三月即書

徵孫全興棄市非是今依宋史改

夏六月薛居正卒

居正輔相十八年寬簡不苛察衆論賢之及卒帝親

臨其喪為之流涕居正子惟吉素無行帝存問其家因曰不肖子安在頗改節否不克

負荷先業奈何惟吉伏喪側懼赧不敢起自是蓋革故態讀書親賢士修飭為善其後帝數宴以大藩所

治至稱

秋七月遣使如渤海

初遼取渤海扶餘城置東丹府前事具至是帝將大舉

伐遼遣使賜其王詔書令發兵以應約滅遼之日幽

薊土宇復歸中朝朔漠之外悉與渤海然渤海無至

者帝又以詔賜定安國王定安本馬韓別種其王烏元明數苦遼侵侮得詔令張犄角之勢王大喜會

女真遣使入貢持表來上帝優詔答之付女真使者令賫以賜焉

九月乙未朔日食

左拾遺田錫字表聖嘉州洪雅人上疏言事詔嘉獎之

欽定四庫全書

御批歷代通鑑輯覽
卷七十二

五

錫好言時務既居諫官即上疏獻軍國要機者一朝

廷大體者四其畧曰王師平太原軍功猶有未賞願因郊禮錫奏駕馭戎臣此要機也交州

瘴海得之如獲石田願罷屯兵此大體之一今諫官不聞廷爭給事中不聞封駁左右史不聞升陞記言

動御史不敢彈奏中書舍人未嘗訪以政事集賢院雖有書籍而無職官秘書省雖有職官而無圖書願

擇才任之使各司其局此大體之二通者寓縣平寧京師富庶軍營馬監廐不恆崇佛寺道官皆為輪奐

尚書無廳事九寺三監寓大街之兩廊貢院就武成王廟是宜太平之制度願別修省寺用列職官此大

體之三按獄官令枷紐鉗鎖皆有定式今以鐵為枷于法所無去之可也此大體之四帝覽疏

優詔褒答賜錢五十萬續綱目盧多遜專政羣臣章奏必先白多遜然後敢通又

必千閭門署狀云不敢安陳利便希望恩錫遺書多
避乞免署狀多遜不悅出錫為河北南路轉運副使
錫因入解直進封事宋元通鑑同考宋史太宗紀及
錫本傳錫上事在為拾遺時非轉運使入解所奏其
貽書宰相乃趙普非多遜也
今依帝紀書綱採傳作目

以趙普為司徒兼侍中

普奉朝請累年盧多遜益毀之謂普初無立上意普

鬱鬱不得志會晉邸舊僚柴禹錫

字元圭
大名入趙銘

州樂陵人楊守一

字象先其先洛陽人後徙宋鄭間

告秦王廷美驕恣將

有陰謀竊發帝疑以問普普因言願備樞軸以察奸

欽定四庫全書

御批歷代通鑑輯覽
卷七十二

五十六

變且自陳曰臣忝舊臣為權倖所沮遂備道預聞昭

憲太后顧命及前朝上表自訴等事帝發金匱得誓

書及覽普前表因召見謂曰人誰無過朕不待五十

已知四十九年非矣乃拜普司徒兼侍中封梁國公

初田錫既以上疏受賜或勸少晦以遠讒忌錫曰事君之誠惟恐不竭矧天植其性豈為一賞奪耶及趙

普復相令有司受羣臣章奏必先白普錫遺普書以

為失至公體普引咎謝已而錫出為河北轉運副使

置京朝官

宋史職官志凡一品以下常參者謂之京官差遣院

舊制京朝官屬吏部國初以來皆出中書至是詔京

朝官奉使從政于外受代而歸者並令中書舍人考
校勞績品量材器以中書所下閭員引對而授之謂之
差遣院

壬午七年春三月癸巳朔日食

罷秦王廷美為西京留守夏四月以柴禹錫為樞密副使

或又告廷美欲因帝幸西池為亂遂罷廷美開封尹

以上變進禹錫樞密副使楊守一樞密都承旨趙銘

東上閤門使初昭憲太后遣命以次傳位

事具前故帝

欽定四庫全書

御批歷代通鑑輯覽
卷七十二

五十七

即位之初命廷美尹開封而德昭德芳等皆稱皇子

及德昭不得其死德芳相繼夭沒廷美始不自安他

日帝以傳國意訪之趙普普對曰太祖已誤陛下豈

容再誤廷美遂得罪

以竇偁

字日章儀之弟郭贊字仲儀開封襄邑人參知政事

初帝尹開封偁為判官以推官賈琰佞諛于坐叱之

曰賈氏子巧言令色豈不愧于心哉衆皆失色帝因

重偁之直至是謂偁曰賞卿之叱賈琰也